




TASG DARLLEN FFUGEIRIAU AM FUNUD

Cyfarwyddiadau Gweinyddu a Sgorio

Gwybodaeth am y prawf

Beth sy'n cael ei fesur	Mae'r prawf hwn yn asesu effeithlonrwydd dadgodio mewn fformat darllen yn uchel am funud. Mae ffugeiriau yn ymddangos fel eitemau anghyfarwydd, diystyr ac felly mae'r darllenydd yn dibynnu'n bennaf ar ei wybodaeth am gyfatebiad sain llythrennau (graffem-ffonem) i ddadgodio rhes o lythrennau. Mae profion fel hyn yn aml yn cael eu hystyried fel ffyrdd defnyddiol o fesur prosesu ffonolegol, ac yn fwy penodol i fesur rhuglder dadgodio graffo-ffonemig.	
Ystod Oedran	Mae'r prawf hwn yn addas i blant mewn Dosbarth Derbyn hyd at Flwyddyn 6. Ond gyda darllenwyr ifanc iawn/amhrofiadol (Dosbarth Derbyn i ganol Blwyddyn 1), nid yw'n ychwanegu llawer o wybodaeth i'r prawf cyfatebol gyda geiriau go iawn (Tasg Darllen Geiriau Am Funud).	
Sgorio (cywirdeb, camgymeriadau)	<p><u>Cywirdeb</u>: Caiff y prif sgôr am ddarllen yn uchel yn effeithlon ei gyfrifo trwy gyfrifo'r cyfanswm o ymatebion cywir (hynny yw, credadwy) (sy'n cynnwys hunan-gywiriadau) gaiff eu cynhyrchu mewn munud.</p> <p><u>Camgymeriadau</u>: Fel rheol ni ystyrir camgymeriadau fel sgorau annibynnol mewn profion effeithlonrwydd darllen. Fodd bynnag, at ddibenion clinigol, weithiau mae'n ddefnyddiol cymharu cyfradd camgymeriadau plentyn o gymharu â'i normau o ran oedran/gradd. Mae hyn yn galluogi ymarferwyr i fesur a yw plentyn yn ddarllenydd araf iawn ond cywir, p'un a yw'n darllen yn gyflym ond yn anghywir, neu'n araf ac yn anghywir. Caiff sgôr camgymeriadau ei gyfrifo yma trwy gyfrifo'r cyfanswm o eitemau gaiff eu cynhyrchu yn anghywir, yn ogystal ag eitemau gaiff eu pasio neu eu gwrthod.</p>	
Normau	Mae'r normau trawstoriadol ar gael ar gyfer blynyddoedd 1, 3, 4, 5, a 6.	
Deunyddiau gweinyddu	Dyfais recordio Stopwatsh Taflen Sgorio Darllen Ffugeiriau Cerdyn Darllen Ffugeiriau	

Trefn y prawf

1. Cyflwyno'r Prawf

Mae'r gweinyddwr yn dweud:

“Dwi'n mynd i ddangos geiriau ffug i ti a dwi isio i ti ddarllen y geiriau mor gyflym â phosib heb wneud camgymeriadau. Dwi isio i ti eu darllen gan ddefnyddio dy fys i dy helpu i ddilyn y geiriau yn y drefn gywir [*gweinyddwr yn dangos sut i bwyntio bys i ddilyn geiriau yn fertigol ac i lawr pob colofn*]. Os wyt ti'n gwneud camgymeriad, gallu di gywiro dy hun a dal ati i ddarllen mor gyflym â phosib. Pan wyt ti'n cyrraedd gair anodd, rho gynnig arni, ond os yw'n rhy anodd gallu di symud ymlaen i'r gair nesaf. Wyt ti'n barod? Paid ag anghofio pwyntio at y geiriau wrth eu darllen.”



**Gwnewch yn siŵr bod y plentyn yn deall bod angen darllen y geiriau'n fertigol i lawr pob colofn (nid yn llorweddol ar draws y rhesi).
Os yw'r plentyn yn cael trafferth gyda gair, dylech ei annog i ddal ati.**

2. Cynnal y Prawf

- Dylai'r gweinyddwr ddarllen cyfarwyddiadau'r prawf yn uchel o'r **Cyfarwyddiadau Gweinyddu a Sgorio** (gweler sgript y gweinyddwr yn y cyflwyniad uchod).
- Dylai'r gweinyddwr roi **Cerdyn Darllen Ffugeiriau Am Funud** i'r plentyn.
- Bydd y gweinyddwr yn dechrau'r stopwatsh cyn gynted ag y bydd y plentyn yn ynganu'r gair cyntaf.
- Bydd y gweinyddwr yn stopio'r prawf ar ôl 60 eiliad.
- Os yw'r plentyn yn cael trafferth gyda gair, dylai'r gweinyddwr ei annog i ddal ati.
- Ni ddylai'r gweinyddwr roi adborth i gywiro yn ystod y prawf.
- Bydd y gweinyddwr yn tynnu llinell ar ôl y gair olaf y mae'r plentyn yn rhoi cynnig arni.

3. Sgorio

- Dylai'r gweinyddwr ddefnyddio'r **Taflen Sgorio Darllen Ffugeiriau** i sgorio'r eitemau.
- Yn y golofn 'Ymateb' ar gyfer pob eitem dylai'r gweinyddwr:
 - nodi ✓ neu **1** wrth ymyl pob gair sydd wedi eu dadgodio **yn gywir**
 - nodi **X** neu **0** wrth ymyl geiriau sydd wedi eu **camddarllen**
 - nodi **HG** wrth ymyl geiriau y mae'r plentyn wedi eu **hunan-gywiro**, a rhoi ✓ neu **1** iddynt.
 - rhoi / wrth ymyl geiriau gaiff eu pasio neu eu gwrthod, a rhoi sgôr o **X** neu **0** iddynt.
 - nodi **L1** wrth ymyl y sgôr os yw ymateb y plentyn i'w weld yn **wall trosglwyddo** o'i hiaith arall, a rhoi **X** neu **0** pwynt.

- gadewch yr holl gelloedd sy'n dilyn ymateb olaf y plentyn yn wag.
- Rhowch un pwynt am bob gair ffug sydd wedi'i ddarllen yn gywir.